

506 86

DEO OPT. MAX.
VIRGINI DEI-PARÆ

ET S. LUCÆ ORTHODOXORUM
MEDICORUM PATRONO.

QUÆSTIO MEDICA:

Cardinalitiis agitanda disputationibus in Antonianis Medicorum Remensium Scholis.

Die vigesima Octobris horâ octavâ matutinâ.

Clarissimo Viro RODULPHO LELARGE
Professore Antoniano Præsîde.

An incipienti pleuritidi tuto catharsis?

PERICULOSIS affectibus pleuritidem annumerare ne dubites. In eo siquidem inhaeret lateri lethalis arundo. Eorum quos misit ad plures vix reperias numerum; nullus in hominum vitam invadit frequentius; morbus est omnium anni temporum, hyeme grassatur, & æstate, verè, & autumnò, frequentius tamen ver inter & æstatem, cuilibet familiaris regioni, sive sis Colchus, an Assyrius, Thebis nutritus, an argis, ex æquo illi obnoxius es, proprius utrique sexui & cuilibet ætati, æquo pulsât pede masculum & feminam, juvenem & senem; licet huic ut plurimum sit lethalis, ob virium infirmitatem, illi verò maximè periculosus propter morbi vehementiam; Pleuritidis duplicem constituerunt speciem, non à Materiâ nec à causâ morbi, sed à situ sumpto discrimine; spuriam dixerunt eam quæ musculus costis incumbentibus insidet, hanc sanè melius tumorem lateris diceres quàm

A

pleuritidem, nam pleuritis vera cuius nomen à Græco *apo ton pleuros*, id est à latere quod occupat, est inflammatio membranæ costas succin-
genris quæ aliquando cum musculis mesopleuriis communicat, quos alibi
pertingunt varii dolores, minùs aptè pleuritides appellabis; quemlibet
larenis dolorem pro pleuritide habere, errare est; afficiunt thoracem
dolores atrocissimi à quibus abest febris, respiratio stat facilis, pulsusque
permanet æqualis, hos sanè pleuritides appellaveris immerito: sed ho-
rum signa sunt diversa. At veræ & spuria pleuritidis causæ, signa, &
symptomata ferè sunt eadem; in illa tamen graviora sunt omnia, in
hâc verò remissiora; non enim tam urget febris acuta quæ utrique est
assidua, respiratio nec difficilior, etsi frequens & parva, pulsus neque
tam durus & tensus, licet inæqualis & frequens, dolor larenis non æquè
pungens & distendens, sed pressione & decubitu exandescens, quod
in verâ pleuritide minimè accidit, quia morbus internus undè decubi-
tus in latus agrum facilis, in sanum verò maximè molestus & gra-
vis; deorsum etenim propendens tumor pondere membranam distendit,
& dilacerat; Tussis utrique initio sicca, qua nihil emolitur dum tensa
remanet omnia; at hæc in verâ pleuritide elapsis aliquot diebus fit hu-
mida, exit quippè spurum album & tenuè quod mox sequitur cruen-
tum, cui purulentum confecto parè.

II.

Aptè si curare volueris, morborum non te fallat origo, & caveas
pro junone nubem corripere. Fœlix sanè qui potuit rerum cog-
noscere causas, quas tenebris offundit non solum opaca rerum caligo,
sed & systematum logodædaleorum farrago mirabilis, fingendique &
opinandi effrenata libido. In morbis hic suum commendat Archæum,
quem iratum enixè studet placare, fœrentem mulcere, territum consir-
mare. At quis hæc chimeras spectraque volitantia non diceret? te ju-
vat ô pyrophile acidorum & alkalium ordinata acies humoribus impa-
cta, quàm alevi qualibet causa in motus agis horrendos, sed dicas velim
undè motus? Et eris mihi magnus Apollo. Hic delectatur fermentatione
celebri illa machina, cui quidquid accidit boni vel mali in corpore,
donat. Ille toto crepitar ore viscerum obstructions infactus humorum-
que saburram, hæc autem omnia morborum effectus non causas esse quis
non videat? factus non parentes, opera non opifices? quid enim ha-
bent humores quod non acceperint? Quorsum igitur iis tantum arro-

gare? Qui in venis & arteriis laudabilis est sanguis dum pinfitur, nullique non aptus usui si momento huic triturae & motui subducitur, fit rudis & indigesta moles morbos tantum apta producere. In morbis ergo vitari humores rotundè fateor, sed vitium à solidis mutare fabio vel iudice vincam. Reclamas? miror equidem; exemplo sit pleuritis, hanc sanè non aptius quam à nimia crispatura & tensione fibrarum partis ejus cui insidet tumor, reperes. Sivè enim frigore à balneo, refrigeratione à violento motu, aëre & potatione frigidiori, solemnum vacuationum suppressione & multis aliis à calore vel à frigore ortis, solito magis crispantur & intenduntur fibræ, tunc ad contactum crispaturarum hætere incipit sanguis, cujus ut plurimum aucta moles est ab impedita transpiratione, si præterea tantilla est in parte dispositio, oritur tumor qui de novo semper adveniente sanguine, brevi in molem augetur maximam, cui dira accedunt symptomata pro ratione partis laborantis: humor ergo stagnans moraque vitiatum tumorem parit & morbum, at humoris motum quid minuerit penes non occæcatas mentes iudicium esto. Non amplius itaque pleuritidem committat serum acre, acidum, & corrodens; nec solidorum delicta luant humores immeriti, cum quidquid habent vitii, solidis acceptum referant, turbatumque solidorum elaterem laxitate, vel tensione sequatur à tergo humorum labes. Cum autem pleuritis fibrarum nimie tensioni & crispaturæ ortum debeat, vides in earum laxitate & mollitiè restituenda totum versari curationis cardinem. Illa ergo placent remedia quæ amissum tonum illis reducere valent, secus repudianda iudico.

III.

AT quis catharsim mollitiem & laxitatem solidis inducere posse audeat asserere. Hæc etsi benignioribus tentetur medicamentis, situm, calores tormina & sexcenta alia solet movere, quæ irritando opere fungi plus satis denotant. Quid ergo vis commodi pariat in pleuritide incipiente dum tenduntur & inflammantur omnia? Huic non modò non auxiliabitur sed in pejora convertet omnia. Miraris? immeritò sanè. Inceptam etenim solidorum irritationem & crispaturam partibus suis actibus adaugebit, consensuque sanguinis motum ad crispaturas hærentis, qui in obices crispaturarum offendens circum claustra fremet & agmine facto viam sibi claudet; undè profectò tumoris & morbi non imminutio, symptomatumque mitigatio, sed morbi benigni & salutaris in ancipitem mutatio, cui plerumque pallida mors hujus morbi catastrophe.

Sed his ut eas obviam presto est venæsectio quæ celeriter & multoties repetita omne feret punctum, at ut in festinatione securitas (non enim in pleuritide cunctando restitues rem) ita in eâ iteratâ una manet salus. Primis ergo temporibus si audacem in illa celebranda te prestiteris mille prevenies mala. In magnis inflammationibus ad animi deliquium sanguinis missio specificum est. Horrescis! nutantem video fidem in medicinæ proceres, & naturam te nescire; Habet homo undè obruatur potius quam deficiat. Astantium igitur lachrimæ volvantur inanes, & quo te ducit indicatio pergas immotus; incassum clamitent purpuream fundi cum sanguine vitam; prestat cum paucis effugere sanguine quàm eo servato mori; in eo intrepide effuso stat tutissima pleuritidis anchora; sic laxitatem & mollitiem solidis induces, humoribusque fluiditatem; Tautus enim est consensus fluidum inter & solidum, ut laxata fluidi compage phlebotomia, laxetur oportet solidi rigiditas tensio & crispatura; tum fit doloris pungentis remissio, sensum imminutio febris, pulsus ex obscuro fit exterior, quod sanè hic vires scalpello non minui indicat, respiratio fit faciliior, vigiliis, inquietudinibus & caloribus molestis succedit benigna tranquillitas. At omnem adimplebis paginam, si phlebotomiæ nonnubio jungas diligentem diatam. Quot bone Deus, ex orco revocavit aurea illa tenuitas in victu! quot in vado posuerunt prisana tenuis hordeacea & avenacea assatim propinata Dii Deæque nostri! frequentius videas effugisse eos quibus res angusta domi est cum aquâ liberali, & jusculis tenuissimis quàm lautè & opipare viventes, cum apozematis jusculis & prisanis adedò compositis pretio potiusquàm effectu commendabilibus. Non eget natura laborans ut reficietur, sed undè morbum & ejus causam eliminet, tensionem nempe relaxet & molliat, sanguinemque lentescentem diluat; his ut facias satis ecce adest tenuis liquor sanguini fluiditatem conciliaturus, ejus circulum renovaturus, anacatharsim juvaturus, quam alio frustrâ tentabis auxilio initio morbi dum tensa remanent omnia; & quod precipuum est non sat optandam restitutus oscillationem. Quod si pertinaciter contendis illam fluidis & solidis inducere mollitiem purgatione vel aliis auxiliis incipiente pleuritide, nihil ex intento obtinebis, & medicum te fateberis ore, opere verò negabis.

I V.

DE Castali equidem quid cogitas? putas forsitan manum esse Dei, quæ malum altis defixum radicibus evellit & gradicat, intactis

partibus quibus insidet? mendosè sanè. Artis est opus quod si naturam non obsequentem reperiat, patataque omnia, præceps ruit in eâ quæ sibi sunt obviam, latèque suum populatur iter. Sed ut noscas ex ungue leonem attende ad purgantia; constant partibus acribus, punctoriis, gravem sensum inferentibus, non alium ab eo arsenicorum & mercutialium, timeas ergò ea etsi dona ferant, nam latet anguis in herba. Horum acredinem acidam constituere huic placet, illum juvat alkalinam, alium sulphureo-salinam, sed de his adhuc sub iudice lis est, eam tamen stare in situ figura & dispositione partium misti mallet asserere, his namque mutatis mutatur vis purgans, servatis servatur. Quam linguæ & palato inurunt sensationem, internis partibus non inferre fuge suspicari; non facile mutat indolem quod naturâ deleterium est. Ea irritando & non secus ac vesicatoria agere non dubito. Quid sit ergo pariturum mali purgans si in solida tensa & inflammata occurrat? oleum sanè addet camino. Ex his quot & quanta inducant pericula in pleuritide incipiente purgantia conjice. Aucta solidorum vis eorum irritatione fluida ad contactum crispaturarum hærentia in majorem motum agere nititur, sed irritò conatu, fluidum mora vitiatum ad currendum factum est inhabile, crispatura etiam quæ primo leviter ejus motui obsistebat, nunc mirè intensa omnino viam præcludit, continuata tamen irritatione à purgante videas cruciatus, tormina, vigilias, vertigines, malos pulsus, defectiones animi, convulsiones, & alia bene multa dira induci Symptomata non in molliem & laxitatem solidorum referenda in quibus stat pleuritidis fuga, cui incipienti ediametro opponitur purgatio. Mussitas? injuria audubè. Bellè prædeuntem sistit expectorationem amonetque futuram; indurando quæ mollescere incipiebant; nihil ex affectû parte detrahit, sed humores mirè turbando, miscendo & movendo bonum & malum verrit promisque, secum fert rapide; viaque vi facta qua data porta ruit. Nec credas tamen præcipuam vim exercere in fluida, solida namque impetunt purgationum fulmina, quæ mobum adaugent nedum minuunt febrem abentem cogunt corripere gradum, præsentem intendunt, multorumque malorum ingerunt semina, serius ocysus aperitura, raro enim antecedentem scelestum deseruit pœna pede claudio. Quor equidem purgantium usu initio morbi, (sed malis ægrî rebus) factæ sunt pleuritidis in peripneumoniam mutationes! vim inferendo naturæ crises benignas, salutareque morborum solutiones impediunt, & quod ultima meta malorum est accersunt ventris profluvium mirè admodum dejiciens corporis robur non læ servandum,

ut pote argento venale nec auro. Ex his inferre quid vetat initio pleuritidis nequicquam tentari solidis molliem inducere cathali, remedioque graviore morbo inferri damnum minus reparabile, quod mox futurum est lethum ineluctabilis.

V.

Quem ergo mortis timent gradum medici qui non perpenso solidorum statu in pleuritide incipiente, statim ad emeticum dulces sanè delicias confugiunt & advolant, quo sanctæ sibi minorationis prætextu indomitam properando purgandi rabiem sedare, commotionem omnibus partibus inferunt, undè multorum labes prima malorum. Exulant igitur à medicina vehementiora illa emetica, barbitonforibusque linquantur quibus uti donamus tanquam gladio delphico, & iis velut ex sacro depromptis tripode, impunè primas vias verrere nitendo, Corpus subvertant malumque pejus priore infligant, quasi caput amputarent hydræ. Errat proculdubio qui putat intra abdominis cancellos totam vim suam exercere emeticum, semel devoratum solidorum mobilitate viger, & vires acquirit eundo; nec sequitur à tergo quæ illud propinavit manus, ut illius temperet iras. Sed surdis cano. O utinam tantùm hi memores essent Præcepti illius decalogi, non occides, vitam sanè hominis non committerent pharmaco in cuius actione alæ & timoris omnia plena, quidquid enim præstant miraculi emetica, id fortunæ non virtutis opus & consilii, franguntque non solvunt nodum. Neq̃ certè equidem iis melior sententia menti, qui pleuritidis initio contra fas sudoribus movendis student enixè, & in iis constituunt salutem; solvit, fateor, sudore morbum natura, coque curationem terminat, non vero inchoat. Caveas ergo criticos habere sudores inspiciente pleuritide obortos, laborantis sanè non se liberantis naturæ sunt indicia; at sudorificorum insidias ab eorum partibus edisce. Constant partibus sulphureoalcalinis, sulphuro acidis, sanè alcalino nitroso ammoniacali, ab horum nomine dolos & vires concipe, si tempore non apto exhibueris, dum nempè tenduntur & inflammantur omnia, sudorem tunc non elicient, at utinam in umbra luderent nullamque inurerent labem, sed vi protuberant tenuem ichorem, agris lethalem. Quot bone Deus! ut malignitatem absentem præcaverent sudores movendo, suum molestam, inquietudines, deliria, phrenitides, & alia induxerunt horrenda symptomata potiora sanè præsentis malignitatis indicia, quam huc usque in Medicina fecit solidorum & fluidorum mechanices imper-

fecta cognitio, sine qua Medici, sunt sine luce faces. Purgationum sudorumque pleuritidis initio parcum cultorem & infrequentem videas alium, sed præcipitem in anacatharsim quam pro viribus molitur, at decidit in scyllam cupiens vitare charibdim. Anacatharsim juvare morbo devicto utilius nihil, nihil laudabilius, victoriam enim supponit non tradit, immò obest initio morbi; partibus suis tenuibus expectorantia, concussiones, tensiones, caloresque inferunt molestissimos, quibus stantibus nihil cedit ex proposito. Nec laude dignandos eos judico qui, quasi Annibal ad portas inceptam veræ sectionem continuò nulloque interjecto tempore, post habitoque virium statu, percelebrant, salus namque stat in viribus quas non subito dejiciat, sed iis parcat oportet Medicus, non timidè, sed prudenter & cautè; nam in pleuritide bis peccare non vacat. Hac arte & scopulosas vitando illecebras anacatharsis, sudorum, & præcipuè purgationum quibus initio hujus morbi nusquam tuta fides, facile pleuritidem debellabis, ægrumque brevi sanitate beabis. Ergo incipienti plenritidi non tuta catharsis.

DOMINI DOCTORES DISPUTATURI.

- M. Rodulphus Lelarge Scholarum antiquior Magister, Professor Antonianus & Præses.*
M. Nicolaus Demailly Professor Scholarum.
M. Petrus Lepeschœur Professor Antonianus.
M. Gerardus Leslis Consiliarius Medicus Regis & Decanus;
M. Ægidius Culoteau Professor Scholarum.
M. Jacobus Bernard Professor Scholarum.
M. Jacobus Hezet.
M. Fraciscus Mimin.

Asserebat Remis FRANCISCUS D'ARGNIES Abba-
 villæus Artium Magister & Medicinæ Baccalaureus
 anno R. S. H. 1704.